



Gaurko prebisioa:
Goizean elurra, arratsaldean
elur bustia eta gauean ateri.
Min./max.: 0 / 4°

Itxura hau zuen Hernanik atzo goizeko 09:00etan, harrobi aldetik begiratuta. Urteak dira Hernani ez zuela horrela zuritzen.

Elurrak Hernani txuritu du, eta gaur ere jasaren bat bota lezake ilunabar arte

■ Atzo arratsaldean ura moztuta egon zen herrian, itxuraz, eguraldiak eragindako arazoengatik ■ 'Cuesta de la muerte' eta herri barrua itxita egon ziren goizeko 08:30ak arte baina, hortik aurrera ez zen arazorik izan.

HERNANI eta inguruak txuri-txuri jeiki ziren atzo, goizaldean izandako elur eta kazkabar erauntsiak medio. Goizeko 08:30ak arte itxita egon ziren herri barrua eta 'Cuesta de la muerte'-ko aldapa, eta Donostira zijoazen autobusak Errekaldetik barrena ibili behar izan zuten, Aieterako bidea itxita zegoelako. Udaltzaingoak Kronikari jakin arazi dionez, langileak elurra kentzen eta gatza botatzen aritu ziren bideetan eta, 08:30etatik aurrera dena irikita zegoen.

Arratsaldean urik gabe gelditu ziren auzo batzuk, nonbait, eguraldiak eraginda sistema elektrikoak salto egin zuelako. Arazoa 15:00ak

aldean hasi zen eta arratsaldeko 17:00etarako konponduta zegoen.

Gaurko emandako parteak dioenez, goizean elur jasaren bat izango da eta eguerdi partean elurbustia botako du. Arratsaldean euria izango da eta gauerako atertu egingo du. Bihar eguraldi hobea izango dugu. Gaur eta bihar 0 eta 4 gradu bitartean ibiliko da termometroa.

Arazoak Euskal Herriko bideetan Elurrak eraginda, atzo Euskal Herriko errepide nagusiak itxita egon ziren kotxeentzat goizaldean eta kamioientzat egun guztian, eta autobus zerbitzu asko atzeratu ziren. Alerta egoerak jarraitzen du gaur ere. □



Langileak espaloietako elurra kentzen.



Tilosetaren itxura aldatu egin zuten elurra eta kazkabarrak.



Gaszte koadrila Santa Barbaran, trineoa eta plastikoak hartuta.

Ezker Abertzaleak kontzentrazioak antolatu ditu "Euskal Herria aitortu eta errespetatzea" eskatzeko

EZKER Abertzaleak kontzentrazioak egitekoak ditu Euskal Herriko herri guztietan, hamabostean behin. Lehenengo kontzentrazioak datorren astelehenean izango dira eta lema dute: *Espaniar eta frantziar inposaketarik ez. Euskal Herria aitortu, errespetatu*. Hernanin Plazan da kontzentrazioa, 20:00etan. Antolatzaileek dei egin diote herritarrei kontzentrazioa azaltzeko.

Egitasmoaren antolatzaileek jakitera eman dutenez kontzentrazioetako lema aldatzen joango da aldian aldiko egoeraren arabera eta Euskal Herriak eta Ezker Abertzaleak "jasaten duten zokoratze eta inposizioa" salatuko dituzte. Gai asko eta 3 errealitate nagusi salatuko dituzte kontzentrazioetan: "Ezker Abertzalea jasaten ari den Aparheida, Euskal Presoen egoera eta frantziar eta espainiar gobernuen inposaketa". Lehenengo kontzentrazio honetan datozen hauteskundeak salatuko ditu Ezker Abertzaleak. □

Musika Banda gaur Udaletxeko Arkupeetan

INAUTERIETAKO piñata kontzertua emango du gaur, Hernaniko Musika Bandak, urtero bezala. 14 musika obra joko dituzte, Manuel Sagarnaren esanera, gaur, eguerdiko 13:00etan Udaletxeko Arkupeetan. □

Osiñagako bidea itxita egongo da, asteartean

HERNANITIK Osiñagara dijoan bidea itxi egingo dute asteartean, *Txurianeko* zubi parean. Udala erria garbitzen ari da azken uholeak ezker, eta asteartean Osiñaga aldean ariko dira lan horietan. Bidea 08:00ak aldera itxiko dute eta Lastaolatik ibili beharko dute auzotarrek. □

AUKERA BERRIA
ILEAPAINDEGIA
Arantxa eta Ixiar
Larrañaga
Nafar Kalea 14
Hernani 20.120
943 33 24 41

ARALAR
TABERNA
Zapa 8 - ☎ 943 33 15 06

VGALDETXXO
Jatetxea
Bazkariak eta Afariak
Ereñozu auzoa
Tel.: 943 550240
20120 Hernani (Gipuzkoa)

tolare sagardotegia
Egunero irekita
OTSUA-ENEA
Osiñaga auzoa - Tel. 943 55 68 94 - HERNANI



Jon Salaberria hizketan, ostegunean Biterin egindako ekitaldian.

“Ezker Abertzale sendo bat behar du momentu politikoak eta hauteskunde hauetatik indarturik ateratzea da helburua”

Salaberriak esan zuen ahaleginak egingo dituztela Ezker Abertzalea hauteskudetatik kentzeko, baina, hautesontziak bete egin behar direla autodeterminazioaren aldeko mezuz. Ekitaldia ostegunean izan zen Biterin.

JOAN den ostegunean ekitaldia izan zen Biterin, Ezker Abertzaleak deituta, *Espainari Ez*, *Autodeterminazioa* lema-ekin. Ekitaldian Jon Salaberriak hitz egin zuen eta bere hitzetan Euskal Herriari Bai esateko garaia da, autodeterminazioaren alde bozkatuta. Momentu politikoak Ezker Abertzale sendo bat behar duela nabarmendu zuen Salaberriak eta datozen hauteskudetan indar berritza dela helburu nagusia. Esan zuen Espainiako Gobernuari mezua bidali behar zaiola “ezin izango dutela Ezker Abertzalearekin bukatu” adierazteko. “Azken aldian ari dira esaten Ezker Abertzalea ahultzen ari dela. Guk badakigu hori ez dela egia, baina, erakutsi egin behar zaie Madrilgo Gober-

nuari eta Ezker Abertzalearen ilegalizaziotik kalkulu politikoa egiten duten guztiei” esan zuen. “Gezur honetara apuntatu diren guztiek ezkutu nahi dute Ezker Abertzaleak 25 urteko borrokarekin lortutakoa, 25 urte geroago Moncloako esatutua gainditu egin baitugu. Konstatazio horren gainean dago Ezker Abertzalearen indarra” azpimarratu zuen Salaberriak.

Bergarako proposamena
Bergarako proposamenaren alde egiteko dei egin zuen Salaberriak eta “PNV, EA, Aralar eta sasi irtenbideetan murgildu nahi duten guztiei erakutsi behar zaie herritarrek soluzioak eskatzen dituztela” gaineratu zuen. Bergarako proposamenarekin bat egiten

duten guztien izenean lan egingo dutela eta “autodeterminazioan oinarritzen diren irtenbide guztien izenean” joango direla datozen hauteskudetara. Salaberriak esan zuen Ezker Abertzalea helburu hauen bueltan mugitzen ari dela eta hilaren 15etik aurrera ere mugitzen segiko duela.

Sektore desberdinak
Osteguneko ekitaldian herriko jendeak ere hartu zuen parte. Sektore desberdinetako jendeak irakurri zuen esaldi bat, bere sektore eta inguruari zegokiona eta txistulari, akordeoi jole eta dantzariak ere izan ziren. Ekitaldian bideo bat bota zuten, Ezker Abertzalearen ikuspuntua eta azterketa politikoa azaltzen duen bideoa. □

HITZ BITAN

ZUHAITZ EGUNA

Zuhaitz Eguna egingo da gaur, eguraldiak lagundu ezker. Atzo eta gaur zen egitekoa Zuhaitz Eguna. Atzo suspenditu egin zen elurragatik eta gaur Aparraina joango diren edo ez, goizean erabakitzea dute arduradunek. Ordua 08:00etan dago jarrita Gudarien plazan.

ESPELEOLOGIA

Hasiera ikastaroa. Espeleologian hasi nahi dutenek aukera izango dute apirilean egingo den ikastaroan apuntatzeko. Ikastaroa Felix Ugarte Espeleologia Elkarte adituek emango dute, eta apirilaren 17-18ko asteburuan izango da. Izena emateko telefono honetara deitu behar da: 943 638176. Gehienez 10 lagunek hartu lezakete parte ikastaroan.

UR-LUDOTEKA

Ur-ludoteka kiroldegian, gaur. Umeentzako ur-jolasak izango dira gaur kiroldegiko igerilekuan, goizeko 10:30-etatik 12:30etara.

FUTBOLA

Gorengo ligan, Hernani-Berio gaur Zubipen. Hernani Berio taldearen kontra jokatu du gaur arratsaldean Zubipen. Hernani 19garren postuan dago sailkapenean eta gaurko partiduan 3 puntu lortzea oso garrantzitsua dute Jon Loranen mutilek. Partida, gaur 16:30etan Zubipen.

WATERPOLOA

Hernani-Easo gaur. Nesken Euskadiko Ligan, Hernani Easo taldearen kontra jokatu du gaur Hernaniko kiroldegian. Partida gaur 13:00etan.

BOLEIBOLA

Hernani-Torrelavega gaur. Hernanik Torrelavega taldea hartuko du gaur kiroldegian, Nesken Lehenengo Liga Autonomikoan. Partida gaur jokatu da, 11:00etan, Hernaniko kiroldegian.


SASKIBALOIA

Hernanik galdu Atl. San Sebastianen kontra. Atzo jokatu zuen Hernaniko saskibaloia taldeak Atletiko San Sebastian taldearen kontra, eta 45-38 galdu zuen.

RALLYSPRINT TXAPELKETA

Suspenditu egin da gaurko jardunaldia. Gaur zen hastekoa Euskal Herriko Rallysprint txapelketa, baina, eguraldi txarra medio suspenditzea erabaki dute arduradunek. Gabiri-Legazpi bidea egitekoa zuten gaur parte hartzaileek eta horien artean zen, Hernaniko Josetxo Zapiain. Lagun-Artea elkarte da txapelketa hori antolatzen duena, eta gaur prentsa oharrean kaleratu duenez, datorren igandera atzeratu dute jardunaldia. □

ZORTZIGARREN URTEURRENA



Joxe Mari Larretxea Goñi

HABANAN DEPORTAZIOAN HIL ZEN

BORROKA ETA BIHOTZA

EUSKAL HERRIAN ZITUELA

Zure familia.

Beti gogoan izango zaitugu.

Hernanin 2004ko otsailaren 29an.

ZERBITZUAK

☎ TELEFONOAK

▶Taxiak: 943 550093
▶Udaltzaingoa: 943 333288
▶DYA: 943 464622
▶Autobusak: 943 556662
▶Anbulatorioa: 943 006666
▶Jokalari anonimoak: 943 331103

☎ FARMAZIAK

▶Egunez: Chucla Kardaberaz 48 ☎ 943 551793
▶Gauzez: Arzallus Andoain. Plazaola 17, pol 25 ☎ 943 591514

IRAGARKI MERKEAK

Pisua salgai zentroan. 80 m², 3 gela, sala, sukaldia eta komuna. Kanpoaldera eta igogailua du. Konpontzeko. 180.303 euro (30.000.000 pzta). Ez deitu agentziek. 943 277743

Iñigo Royo Masajista. Masajea, naturopatia, akupuntura, ajuste neurologiko eta bertebra, reflexologia, auriculoterapia,.... 943 33 28 94 - 626 80 76 33 (Sta Barbara 42)

Etxean matematika lanak egiten laguntzeko pertsona bat behar da. (Institutuko bigarren maila). Deitu: 943 55 19 56

Euskarazko film laburren zirkuitua
Martxoaren 3an, Hernanin

Lekua: Biteri Kultur Etxea
Ordua: 19:30
Sarrera: Dohainik

Antolatzaileak:
dobEra
EUSKARA ELKARTEA

BASURDEA (14 min.)
Ane Muñoz Mitxelena

TERMINAL (12 min.)
Aitzol Aramaio

DORTOKAREN UHARTEA (15 min.)
Maru Solores

BELARRA (10 min.)
Koldo Almadoz

TOPEKA (3 min. 30 seg.)
Asier Altuna

kimuak **2004**
Euskara Elkarteen film laburren zirkuitua

Babeslea:
EUSKAL JARDUNARITZIKO ERKATEKOA
KULTURA SAIALA
DEPARTAMENTO DE CULTURA